



Broj: 06-16-5-766-2/15

Datum: 02.12.2015. godine

Na osnovu člana 61. Zakona o upravi („Službeni glasnik BiH, broj: 32/02 i 102/09), člana 51. Okvirnog zakona o visokom obrazovanju („Službeni glasnik BiH“, broj: 59/07 i 59/09) i člana 70. Zakona o javnim nabavkama („Službeni glasnik BiH“, broj: 39/14), direktor Agencije za razvoj visokog obrazovanja i osiguranje kvaliteta *donosi*

O D L U K U

o izboru najpovoljnijeg ponuđača i dodjeli ugovora u postupku konkurentskog zahtjeva za dostavljanje ponuda za javnu nabavku putničkog motornog vozila za potrebe Agencije za razvoj visokog obrazovanja i osiguranje kvaliteta

I

U postupku konkurentskog zahtjeva za dostavljanje ponuda za javnu nabavku putničkog motornog vozila za potrebe Agencije za razvoj visokog obrazovanja i osiguranje kvaliteta, uz objavu dodatnog obavještenja na portalu javnih nabavki, broj: 207-7-1-146-3-7/15 od 14.10.2015. godine, kao najpovoljnija ponuda bira se ponuda ponuđača „PROMOTORS CO“ d.o.o. Banja Luka, Put srpskih branilaca 74, 78 000 Banja Luka, sa ukupnom cijenom ponude u iznosu od 42.733,98 KM bez PDV-a, odnosno 49.998,76 KM sa PDV-om i navedenom ponuđaču dodjeljuje se ugovor o nabavci motornog vozila.

II

Po okončanju roka za žalbu, ugovorni organ će sa izabranim ponuđačem zaključiti ugovor o nabavci motornog vozila kojim će se regulisati međusobna prava i obaveze vezano za predmetnu javnu nabavku shodno uslovima ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

III

Ova odluka će se dostaviti ponuđaču u predmetnom postupku javne nabavke uz obavještenje o rezultatima postupka.

IV

Ova odluka stupa na snagu danom donošenja i objavit će se na internet stranici Agencije, www.hea.gov.ba, danom upućivanja ponuđaču.

O b r a z l o ž e n j e

U postupku konkurentskog zahtjeva za dostavljanje ponuda za javnu nabavku motornog vozila za potrebe Agencije za razvoj visokog obrazovanja i osiguranje kvaliteta (u daljem tekstu: Agencija), uz dodatnu objavu obavještenja o javnoj nabavci na portalu javnih nabavki, broj: 207-7-1-146-3-7/15 od 14.10.2015. godine, pokrenutom Odlukom direktora 06-16-5-766-2/15 od 13.10.2015. godine, a na osnovu Konkurentskog zahtjeva za dostavljanje ponuda broj: 06-16-5-766-5/15 od 14.10.2015. godine, Komisija imenovana Rješenjem direktora broj: 06-16-5-766-3/15 od 13.10.2015. godine izvršila je pregled i ocjenu blagovremeno pristiglih ponuda.

Zapisnikom broj: 06-16-5-766-27/15 od 27.10.2015. godine Komisija je konstatovala da je u predmetnom postupku na adresu Agencije u predviđenom roku pristigla samo jedna ponuda koju je Komisija ocijenila prihvatljivom, te u skladu sa kriterijem najniže cijene, utvrđenim tačkom 8. Tenderske dokumentacije, Kriterij dodjele ugovora i cijena, sačinila rang listu, shodno kojoj je: prvoplasirana i najpovoljnija prihvatljiva ponuda za javnu nabavku motornog vozila za potrebe Agencije, ponuda ponuđača „PROMOTORS CO“ d.o.o. Banja Luka, Put srpskih branilaca 74, 78 000 Banja Luka, sa ukupnom cijenom ponude u iznosu od 42.733,98 KM bez PDV-a, odnosno 49.998,76 KM sa PDV-om. Cijeneći navedene činjenice, Komisija je dala prijedlog direktoru da se predmetni ugovor o nabavci motornog vozila dodijeli ponuđaču „PROMOTORS CO“ d.o.o. Banja Luka, Put srpskih branilaca 74, 78 000 Banja Luka. Članom 89. stav (3) Zakona o javnim nabavkama propisano je da kada ugovorni organ primi jednu prihvatljivu ponudu, dodjeljuje ugovor tom ponuđaču i to najkasnije u roku od deset dana od dana okončanja postupka javne nabavke.

Imajući u vidu naprijed navedeno, odlučeno je kao u dispozitivu.

U skladu sa članom 70. stav (6) Zakona o javnim nabavkama, ova odluka ima se objaviti na internet stranici Agencije istovremeno sa njenim upućivanjem ponuđaču koji je učestvovao u postupku javne nabavke.

Pouka o pravnom lijeku: Protiv ove odluke dozvoljena je žalba u pisanoj formi u roku od pet (5) dana računajući od dana kada je ponuđač primio odluku, odnosno obavještenje o rezultatima postupka. Žalba se izjavljuje ugovornom organu – Agenciji za razvoj visokog obrazovanja i osiguranje kvaliteta, u skladu sa članom 99. i 101. Zakona o javnim nabavkama, u dovoljnom broju primjeraka, a koji ne može biti manji od tri.

DOSTAVITI:

1. Ponuđaču uz obavještenje
2. Sektoru 06
3. a/a

